

সারাদেশ

বাল্যবিবাহের বিরুদ্ধে ঐক্যবদ্ধ শিক্ষার্থী-অভিভাবকরা

প্রতিবেদক: কলাপাড়া (পটুয়াখালী) প্রতিনিধি

প্রকাশের তারিখ: রোববার, ৩০ আগস্ট ২০২৬, ০৫:২৩ PM



ছবি প্রতিনিধি

পটুয়াখালীর কলাপাড়ায় বাল্যবিবাহ প্রতিরোধ, শিক্ষার্থীদের ঝরে পড়া রোধ এবং মেয়েশিশুদের শিক্ষায় সহায়তা প্রদানের লক্ষ্যে সচেতনতামূলক সভা অনুষ্ঠিত হয়েছে। সভায় বাল্যবিবাহ বন্ধে শিক্ষার্থী ও অভিভাবকদের ঐক্যবদ্ধভাবে কাজ করার আহ্বান জানানো হয়।

বৃহস্পতিবার (২০ আগস্ট) দুপুরে কলাপাড়া উপজেলা পরিষদ সভাকক্ষে এ সভা অনুষ্ঠিত হয়। আভাসের আয়োজনে এবং একশনএইড বাংলাদেশের সহযোগিতায় আয়োজিত সভায় প্রধান অতিথি হিসেবে উপস্থিত ছিলেন কলাপাড়া উপজেলা নির্বাহী কর্মকর্তা মো. আরিফুজ্জামান।

অনুষ্ঠানে স্বাগত বক্তব্য দেন আভাসের নির্বাহী পরিচালক (ভারপ্রাপ্ত) শহিদুল ইসলাম। বিশেষ অতিথি হিসেবে বক্তব্য দেন মাধ্যমিক শিক্ষা কর্মকর্তা (ভারপ্রাপ্ত) মো. মনিরুজ্জামান খান ও সাংবাদিক মেজবাহ উদ্দিন মান্নান। সভায় মূল প্রবন্ধ উপস্থাপন করেন আভাসের প্রজেক্ট ম্যানেজার মনিরুল ইসলাম।

সভায় বাল্যবিবাহের ক্ষতিকর দিক এবং এর সামাজিক ও পারিবারিক প্রভাব তুলে ধরে শিক্ষার্থী ও অভিভাবকদের মধ্যে সচেতনতা সৃষ্টি করা হয়। এ সময় বাল্যবিবাহের বিরুদ্ধে প্রতীকী প্রতিবাদ হিসেবে উপস্থিত শিক্ষার্থী ও অভিভাবকেরা লাল কার্ড প্রদর্শন করেন।

অনুষ্ঠানে পাঁচজন মেয়েশিশুকে পাঁচটি বাইসাইকেল, ১০ জন মেয়েশিশুকে পাঁচ হাজার টাকা করে শিক্ষা বৃত্তি এবং ১৫ জন মেয়েশিশুর পরিবারকে ১৫ হাজার টাকা করে আয়বর্ধনমূলক সহায়তা দেওয়া হয়।

বক্তারা বলেন, বাল্যবিবাহ শুধু একটি মেয়েশিশুর ভবিষ্যৎ নষ্ট করে না, এটি পরিবার ও সমাজের উন্নয়নকেও বাধাগ্রস্ত করে। বাল্যবিবাহ প্রতিরোধে শিক্ষার্থী, অভিভাবক, শিক্ষক, স্থানীয় জনপ্রতিনিধি ও প্রশাসনসহ সমাজের সব শ্রেণি-পেশার মানুষকে সম্মিলিতভাবে এগিয়ে আসতে হবে।

তারা আরও বলেন, মেয়েশিশুদের শিক্ষার সুযোগ নিশ্চিত করা এবং বিদ্যালয় থেকে ঝরে পড়া রোধে কার্যকর উদ্যোগ নিতে হবে। পাশাপাশি দরিদ্র পরিবারের মেয়েশিশুদের শিক্ষা অব্যাহত রাখতে প্রয়োজনীয় সহায়তা নিশ্চিত করা গেলে বাল্যবিবাহের প্রবণতা অনেকাংশে কমানো সম্ভব হবে।

এ বিভাগের আরও খবর



পদ্মায় নিখোঁজ ছাত্রদল নেতা রকির মরদেহ উদ্ধার
কুষ্টিয়ার ভেড়ামারায় পদ্মা নদীতে নৌকা ভ্রমণে গিয়ে হারিয়ে যাওয়া ছাত্রদের পিলাবের সঙ্গে খাড়া লেগে নিখোঁজ বিনাইদহের শৈলকুপার পৌর ছাত্রদলের সদস্য...



ব্রাহ্মণবাড়িয়ায় কনসার্ট ইস্যুতে সমঝোতা, মানতে হবে যে শর্ত
ব্রাহ্মণবাড়িয়া সরকারি কলেজের নবীনবরণ উপলক্ষে কনসার্ট আয়োজনকে কেন্দ্র করে সৃষ্ট বিরোধের অবসান হয়েছে। শনিবার (১৩ সেপ্টেম্বর) সন্ধ্যায় ব্রাহ্মণ...



আন্তর্গঞ্জে রুমিন ফারহানাকে অবস্থিত ঘোষণা, বিএনপির ব্যাডু মিছিল
জাতীয় সংসদে বিএনপির সমালোচনা করে দেওয়া বক্তব্যের প্রতিবাদে ব্রাহ্মণবাড়িয়ার আন্তর্গঞ্জে ব্রাহ্মণবাড়িয়া-২ আসনের স্বতন্ত্র
সংসদ সদস্য ব্যারিস্টার...



তিতাস নদীর তীরে গ্রাম-বাংলার ঐতিহ্যবাহী নৌকা বাইচ উপভোগে অর্ধ লক্ষাধিক মানুষ
ভাস্কর তত্ত্ব উপেক্ষা করে ব্রাহ্মণবাড়িয়ার তিতাস নদীর দুই তীরে জড়ো হন অর্ধ লক্ষাধিক মানুষ। তাদের করতালি ও উচ্ছ্বাসে
মুখর হয়ে ওঠে নদীর পাড়...

Copyright Dhaka Probe

অনলাইন সংস্করণ পড়তে ভিজিট করুন: <https://www.dhakaprobe.com/saradesh/baljbibaher-biruddhe-oikjbddh-shiksharathi-obhibhabkra>